

## GLOSARIO

**Afixo** : Elemento formativo que, coa raíz, contribúe á formación da palabra.

**Ager publicus** : Territorio, propiedade de Estado.

**Apodyterium** : Sala das termas romanas que se utilizaba como vestiario.

**Anafórico** : Pronome que realiza unha función anafórica ao facer referencia a algo ou a alguén xa mencionado.

**Analogía** : Termo que se utiliza para designar certas alteracións que sofren as palabras co fin de facerse semellantes a outras formas máis normais ou máis abundantes na lingua.

**Anarquía** : Falta de goberno.

**Anarquía militar** : Período da historia de Roma que comprende do 235 ao 285 d.C, ano en que é nomeado emperador Diocleciano.

**Antecedente** : Palabra á que vai referida a oración de relativo, coa que concorda o pronome relativo en xénero e en número.

**Apofonía** : Cambio, xeralmente a **i**, **u**, ou **e**, dun vogal breve en sílaba interior aberta.

**Arena** : Espazo de forma elíptica que quedaba no centro do anfiteatro romano.

**Ariete** : Especie de estaca rematada por unha cabeza metálica de carneiro, do nome da cal, **aries**, deriva o de ariete.

**Arúspices** : Sacerdotes especializados na interpretación da vontade divina a través da observación das entrañas dos animais sacrificados, especialmente do fígado. Tamén interpretaban os presaxios e determinaban a forma de aplacar os deuses que manifestaban a súa cólera por medio deses fenómenos extraordinarios.

**Asimilación** : Cambio fonético polo que dúas consoantes en contacto se fan iguais ou semellantes.

**Atramentum** : Líquido negro usado para escribir. Tinta.

**Atrium** : Patio interior da casa romana, centro neurálxico da casa onde se atopan o **compluvium** e o **impluvium**.

**Augur** : Adiviño que interpreta os presaxios por medio das aves.

**Augures** : Colexio de sacerdotes que se encargaban da interpretación da vontade dos deuses mediante a observación do voo das aves, o estado do ceo, o apetito dos polos sagrados, etc.

**Augustus** : Significa *augusto*, *maxestoso*, *venerable*. Sobrenome de Octavio e título dado aos emperadores romanos.

**Auriga** : Conductor dos carros de carreiras no circo romano.

**Auspicios** : Signos polos que se podía coñecer a vontade dos deuses, tales como: o voo das aves, as entrañas dos animais, os fenómenos meteorolóxicos, etc. Era indispensable consultar os auspicios antes de emprender calquera empresa.

**Balnea** : Baño particular. Con esta palabra, en plural, denomínanse aos baños públicos.

**Bigas** : Carros tirados por dous cabalos guiados polos aurigas, que competían nas carreiras que se celebraban no circo romano.

**Bulla** : Especie de medallón redondo que levaban colgado ao colo os nenos romanos. Imponíase durante a **lustratio** como amuleto protector dos malos espíritos. Aos dezasete anos, o novo romano quitábaa e consagrábaa aos lares domésticos.

**Calāmus** : Cana cortada oblicuamente na súa base. Utilizábase na antigüidade como pluma para escribir sobre papiro ou pergameos.

**Caldarium** : Lugar das termas romanas en que había unha piscina de auga moi quente. Ás veces, tamén se utilizaba para tomar baños de vapor.

**Cáligas** : Sandalias militares.

**Capitis deminutio maxīma** : Sentenza xudicial aplicada por delitos moi graves que levaba consigo a perda da liberdade.

**Carcēres** : Lugar de onde arrancaban os carros nunha carreira no circo romano.

**Cardo maxīmus** : Cale principal da cidade romana, que vai de norte a sur, e que é perpendicular ao **decumānus**.

**Caso** : Forma que adopta unha palabra segundo a función que desempeña na oración.

**Castra** : *Campamento*. Tiña forma cuadrangular. Estaba rodeado por un terraplén sobre o que se levantaba unha estacada e protexido por un foso arredor. Estaba atravesado por dúas rúas principais na intersección das cales estaba a tenda do xeneral, un altar e o espazo para as arengas. As tendas dispoñíanse en sitios fixos ao longo de rúas perpendiculares entre si. O exército en marcha constrúa o campamento ao rematar a etapa. Había campamentos permanentes, **castra statīva** e campamentos de inverno, **castra hiberna**.

**Castro** : Poboado celta, as vivendas do cal presentaban unha planta circular.

**Catafórico** : Pronome que realiza unha función catafórica ao facer referencia a algo ou a alguén que se vai mencionar.

**Cathēdra** : Asento con respaldo dende o que o mestre ensinaba na escola romana.

**Cavea** : No teatro romano denomínase **cavea** ás bancadas concéntricas ocupadas polos espectadores.

**Censo** : Empadroamento quinquenal dos cidadáns e das súas fortunas, que permite determinar as clases, as centurias e o imposto.

**Cives** : Cidadáns romanos que gozaban dunha serie de dereitos.

**Cientes** : Homes libres, carentes de privilexios. Na súa orixe eran, probablemente, estranxeiros que voluntariamente estaban unidos a un **patrōnus**, do que recibían protección. Nas eleccións apoiaban as candidaturas dos seus patrōns.

**Codex** : Recompilación das **Constitutiōnes** dos emperadores.

**Coemptio** : Variante do matrimonio **cum manu** que consistía na compra simulada da noiva.

**Cognōmen** : O terceiro nome que se impoñía aos nenos romanos. Era o sobrenome da **gens**.

**Cohorte** : Unidade táctica do exército romano. Estaba constituída por 600 homes, pois comprendía 3 manipulos de 200 homes cada un.

**Colonias** : Poboacións fundadas deliberadamente por persoas procedentes doutro lugar. As colonias romanas eran asentamentos de soldados veteranos ou de cidadáns romanos dentro das provincias.

**Comitia** : Asembleas do pobo romano. Existían diferentes tipos de comicios: curiados, **curiāta**, centuriados, **centuriāta** e tributos, **tribūta**, baseados nas distintas divisións do pobo romano, en curias, centurias ou tribos. Tiñan distintas competencias en materia lexislativa, relixiosa e xudicial.

**Compluvium** : Abertura no teito do **atrium**, que permitía que pasase a luz e a auga da chuva que caía ao **impluvium**.

**Concilia plebis** : Asembleas da plebe. As decisións adoptadas nelas denominábanse plebiscitos.

**Concubinātum** : Matrimonio ilegal entre os non cidadáns.

**Confarreatio** : Variante do matrimonio **cum manu** que constaba dunha cerimonia na que os esposos compartían o **panis farreus**.

**Conxugación** : Flexión verbal.

**Consilium principis** : Órgano deliberante, de carácter civil creado por Octavio Augusto. As súas funcións non estaban ben definidas.

**Constitutiōnes** : Leis promulgadas polo emperador. Convertéronse na nova fonte do dereito durante o Imperio.

**Cónsules** : Maxistrados que representan a máxima autoridade. Elixíanse dous. Convocan e presiden o senado e os comicios, administran a xustiza, asumen a dirección das finanzas públicas e conducen a guerra.

**Controversiae** : Exercicios que realizaban os alumnos para aprender elocuencia. Consistían en discusións entre dous escolares que defendían distintos puntos de vista sobre temas variados.

**Contubernium** : Matrimonio entre escravos ou entre unha persoa libre e unha escrava.

**Conventus** : Subdivisión administrativa en circunscricións menores das provincias romanas.

**Cuadrigas** : Carros tirados por catro cabalos guiados polos aurigas, que competían nas carreiras que se celebraban no circo romano.

**Culīna** : Cociña, fogón.

**Curia** : Primitivamente, agrupacións en que se subdividiron as tres primeiras tribos de cidadáns. Tamén era o lugar onde se reunía o Senado. Nas provincias, consello de cidadáns que participaban no goberno da cidade.

**Cursus honōrum** : Especie de carreira política, que obrigaba a comezar por un determinado cargo para poder acceder, despois de transcorrer dous anos, ao inmediatamente superior.

**Decemvīri** : Grupo de dez homes que se encargaron de redactar a Lei das Doce Táboas.

**Declinación** : Conxunto de formas que presentan os substantivos, adxectivos e pronomes para indicar as distintas funcións sintácticas.

**Decumānus maxīmus** : Rúa principal da cidade romana, perpendicular ao **cardo**, que vai deste a oeste.

**Desinencia** : Sufixo flexivo que se engade á raíz ou ao tema na declinación ou na conxugación.

**Desinencia persoal** : Sufixo flexivo das formas persoais, que indica a persoa, o número e a voz.

**Dextrārum iunctio** : *Unión das destros*. Na cerimonia da voda a **pronūba** unía as mans dereitas dos contraentes.

**Dies fasti** : Días nos que a divindade era propicia para iniciar calquera actividade. Eran sinalados no calendario polos pontífices.

**Dies nefasti** : Días nos que a divindade non era propicia para iniciar ningunha actividade. Eran sinalados no calendario polos pontífices.

**Diffarreatio** : Disolución solemne do matrimonio que se celebrara por **confarreatio**.

**Digesta** : Recompilación do máis prestixioso dos xuristas realizada por Xustiniano. Tamén se lle chama **Pandectae**.

**Dobrete** : Cada unha das dúas palabras que posúen unha mesma orixe etimolóxica.

**Domus** : Tipo de casa romana ocupada por unha familia, dunha soa planta, aberta cara ao interior, con cuartos dispostas en torno o **atrium**.

**Dominado** : Segunda etapa do período da historia de Roma denominado Imperio. Comprende do 284 o 476 d.C.

**Domínus** : Significa *amo, señor*. Título dado aos emperadores a partir de Diocleciano. De aí deriva Dominado, nome co que se coñece ao segundo período do Imperio.

**Duumviri** : *Duumviro*. Nomee de diferentes maxistrados en Roma e tamén cada un dos dous presidentes dos decurións nas colonias e municipios.

**Edís** : Maxistrados encargados da administración municipal. Nas provincias romanas eran dous e constituían a policía da cidade.

**Emeriti** : Soldados romanos licenciados. Estes eran recompensados polo emperador con terras que, posteriormente, deron lugar a cidades como Mérida, **Emerita Augusta**.

**Enunciado** : Formas que se utilizan para referirse a un substantivo, adxectivo, pronome ou verbo.

**Equites** : Significa *cabaleiros*. Eran cidadáns romanos pertencentes a unha clase social intermedia entre os patricios e os plebeos. Eran poderosos, porque se beneficiaban das actividades lucrativas prohibidas aos senadores.

**Estoicismo** : Corrente filosófica fundada por Zenón de Citio no s. IV a.C. O ben supremo atópase no esforzo por alcanzar a virtude, a ausencia de paixóns, a resignación ante o destino.

**Étimo** : Termo do que derivan outros.

**Ex cathēdra** : *Dende a cátedra*. Esta expresión latina utilízase cando se quere indicar que se fala en sentido doutrinal.

**Falanxe** : Unidade táctica do exército romano durante a Monarquía. Consta de seis filas de 500 soldados cada unha.

**Feciais** : Colexio de sacerdotes encargados de cumprir os ritos antigos sobre a declaración de guerra e tratados de paz.

**Feriae** : Festividades estritamente relixiosas, entre as que sobresaían as Lupercalia e as Saturnalia.

**Filium tollere** : *Levantar o fillo*. Acción que realizaba o **paterfamilias** para recoñecer un fillo acabado de nacer ao que se colocaba aos seus pés.

**Flámines** : Colexio de sacerdotes asignados ao culto dun deus concreto. Había tres flámines maiores, o de Xúpiter (**Diālis**), o de Marte (**Martiālis**) e o de Quirino (**Quirinālis**) e doce menores, consagrados a deuses como Pomona, Flora, Furrina, etc.

**Flammeum** : Veo de cor alaranxada que cubría o rostro da noiva durante a cerimonia da voda.

**Fórico** : Pronome que realiza unha función fórica ao facer referencia a algo ou alguén que xa se mencionou ou que se vai mencionar.

**Foro** : Praza pública dunha cidade. Nos campamentos romanos era o lugar onde estaba a tribuna para falar á tropa.

**Frigidarium** : Estanza destinada ao baño de auga fría nas termas.

**Frons scaenae** : Muro que representaba a fachada dun pazo, adornado con frisos, columnas, estatuas, etc., con portas polas que entraban e saían os actores.

**Genius** : Divindade particular de cada home, que nacía e morría con el.

**Gens** : Conxunto de familias os xefes das cales descendían dun antepasado común, **pater**. Posteriormente desapareceu e separáronse as distintas familias.

**Gladiator** : Home que combatía contra outros ou contra feras nos espectáculos do circo e do anfiteatro romanos.

**Ortogonal ou hipodámico** : Trazado das cidades antigas adoptado polos romanos. Debe o seu nome a Hipódamo de Mileto, arquitecto grego do s. V a.C. Consiste nun rectángulo atravesado por diversas rúas que se cortaban perpendicularmente.

**Paedagōgus** : Escravo, polo xeral de orixe grega, que se encargaba de acompañar continuamente o neno.

**Pandectae** : Recompilación do máis prestixioso dos xuristas realizada por Xustiniano. Tamén se lle chama **Digesta**.

**Panis farreus** : Pastel de fariña de trigo que compartían os contrayentes durante a cerimonia do matrimonio, chamado por isto **confarreatio**

**Parisílabo** : Igual número de sílabas.

**Pater** : Antepasado común do que descendían os membros da **gens**

**Pater familias** : Xefe de cada unha das familias que constitúen unha **gens**. Era o sacerdote do culto familiar.

**Patres** : Membros do Senado.

**Patricios** : Forman a clase privilexiada. Teñen a súa orixe nas cen primeiras familias que se asentaron en Roma. Recoñecían un antepasado común **pater**, formaban parte da mesma **gens**, tiñan o mesmo **nomen gentilicium** e celebraban o mesmo culto **sacra gentilicia**.

**Patrōnus** : Membro dunha familia patricia ao que estaba ligado un cliente por lazos xurídicos.

**Penates** : Deuses do fogar que se encargaban da prosperidade material da familia. O Estado tamén tiña os seus Penates públicos.

**Peregrīni** : Denominábase así as persoas que no Imperio romano non eran cidadás romanas.

**Peristylum** : Xardín cun pórtico sustentado por columnas, situado na parte traseira da **villa** romana.

**Petronio Arbiter** : Escritor satírico latino, autor do *Satiricón*. Adóitaselle identificar cun personaxe próximo ao emperador Nerón e nomeado por el "árbitro da elegancia". Acusado de participar na conspiración de Pisón contra o emperador, viuse obrigado a suicidarse no ano 65 d.C.

**Plauto, Tito Maccio** : Comediógrafo latino. A súa vida transcorreu, probablemente, entre o 250 e o 184 a.C. Atribúenselle cento trinta comedias, das que se conservaron vinte. Estas obras constitúen case o único testemuño do latín literario desta época. Influíron en autores como Shakespeare e Molière.

**Plebeos** : O seu nome deriva de **plebs plebe**. Cidadáns libres carentes de dereitos durante a Monarquía e primeiros tempos da República, polo que se enfrontaron aos patricios para conseguilos.

**Plebiscitos** : Decisións da plebe adoptadas nas súas asembleas.

**Polis** : Palabra grega que significa cidade estado. Comunidade política que se administraba por si mesma.

**Pontífices** : *Construtores de pontes*. Colexio sacerdotal presidido polo **pontifex maximus**, cargo de grande influencia relixiosa e política. As súas compoñentes encárganse de confeccionar o calendario e do culto público.

**Popūlus** : Conxunto de cidadáns con dereitos políticos que forman unha comunidade.

**Praenōmen** : Primeiro dos tres nomes impostos aos nenos romanos. Correspóndese co nome persoal.

**Prandium** : *Xantar*. Era unha comida lixeira. Tomábase cara ao mediodía, xeralmente de pé, e consistía en restos do día anterior, queixo e froitas.

**Prefecto do pretorio** : Xefe da garda pretoriana.

**Prefixo** : Afixo que se engade por diante a unha palabra.

**Pretor** : Maxistrado que se ocupaba de todo o relacionado coa xustiza, e asumía o máximo poder en ausencia dos cónsules.

**Princeps** : Título que o Senado concedeu a Illote Octavio, significa *o primeiro dos cidadáns*. De aí deriva o nome do primeiro período do Imperio.

**Principado** : Primeira parte do período da historia de Roma denominado Imperio. Comprende do 20 a.C. ata o ano 235 d.C.

**Principes** : Soldados experimentados que se colocaban na segunda liña de combate.

**Procónsul** : Cónsul que cando remataba o seu cargo político recibía o goberno dunha provincia ou o mando dun exército.

**Proletarii** : *Proletarios*. O seu nome deriva de **proles descendencia**. Eran cidadáns pobres que só tiñan fillos.

**Pronūba** : Muller casada unha soa vez que asistía os esposos na cerimonia do matrimonio. Unía as súas mans en presenza dun sacerdote de Xúpiter.

**Propretor** : Pretor que, rematado o tempo da pretura, pasaba a gobernar unha provincia.

**Provincia** : Cada unha das divisións administrativas en que se dividía un territorio conquistado polos romanos.

**Quinquereme** : Embarcación de cinco filas de remos.

**Raíz ou lexema** : Elemento base da palabra portador de significado, común a todas as palabras dunha mesma familia.

**República** : *Res publica cosa do populus*. Forma de goberno que durou en Roma do 509 ao 27 a.C. Preocúpase dos intereses públicos e comúns.

**Rhetor** : Mestre de retórica co que os novos romanos aprendían elocuencia.

**Rotacismo** : Paso a **r** da **s** intervocálica.

**Salios** : Sacerdotes de Marte. En marzo protagonizaban unha cerimonia, que consistía en bailar unha estraña danza guerreira e entoar unha canción arcaica. Os bailaríns eran elixidos entre os novos patricios e ían ataviados cun uniforme e escudos de bronce moi antigos.

**Satiricón** : Novela picaresca escrita por Petronio. Significa *historia de sátiros*. Desta obra só se conservan algúns fragmentos. Relata as andanzas de dous mozos e un rapaz polos baixos fondos das cidades do sur de Italia. A pasaxe máis coñecida é a do "Banquete de Trimalción".

**Saturnalia** : Festa relixiosa que se celebraba en decembro en honra de Saturno. Nela intercambiábanse regalos, invertíanse os papeis e os escravos eran servidos polos amos, etc.

**Scaena** : No teatro romano plataforma rectangular de máis dun metro de altura na que se desenvolvía a acción.

**Senado** : Órgano consultivo formado por antigos maxistrados. O número de senadores variou durante as distintas épocas da historia de Roma.

**Senadores** : Membros do Senado.

**Senātus consultum** : Decisións do Senado que, en principio, tiveron un carácter orientativo para os maxistrados e no Imperio alcanzaron a categoría de leis.

**Síncope** : Perda dun vogal breve entre consoantes.

**Sistema de perfecto** : Conxunto de tempos que se constrúen co tema de perfecto.

**Sistema de presente** : Conxunto de tempos que se forman co tema de presente.

**Spina** : Muro que se elevaba no centro do circo romano en sentido lonxitudinal.

**Stipendium** : Paga que se daba aos soldados romanos a partir da República.

**Stylus** : Punzón co que os romanos escribían sobre taboíñas enceradas. Polo outro extremo estaba aplanado e servía para borrar ou estender a cera.

**Suasoriae** : Exercicios dos alumnos de retórica. Consistían en monólogos nos que os personaxes famosos da historia ou da mitoloxía sopesaban as vantaxes e inconvenientes antes de tomar unha decisión.

**Sufixo modal-temporal** : Sufixo que nos verbos indica o modo e o tempo.

**Sufixos** : Afijos que se unen ao lexema para indicar as categorías gramaticais: xénero, número, caso, tempo, modo, número e persoa.

**Tabernae** : Estanzas da **domus** que daban á rúa e que se utilizaban para os negocios familiares ou se alugaban.

**Tablinum** : Sala na que traballaba o señor da casa ou comedor no que se situaba o **triclinium**.

**Tabulae nuptiales** : Contrato matrimonial.

**Tema** : Radical formado polo lexema e un vogal temático.

**Tema de perfecto** : Elemento diferenciador do sistema de perfecto común a todas as formas deste sistema.

**Tema de presente** : Elemento diferenciador do sistema de presente común a todas as formas deste sistema.

**Tepidarium** : Nas termas, recinto no que se tomaba o baño de auga morna.

**Terencio** : Comediógrafo latino. A súa vida transcorreu do 193 ou 183 a.C. ao 159. Nas seis comedias que se lle atribúen apréciase unha finalidade moral. Influíron na primitiva comedia inglesa.

**Termas** : Lugar destinado aos baños públicos.

**Testūdo** : *Tartaruga*. Manobra que permite que un destacamento de soldados avance de forma protexida. Os soldados que van dentro cóbrense a cabeza cos escudos e os que van nos lados, o peito, de modo que presenta o aspecto dunha tartaruga.

**Tetrarquía** : Goberno de catro: dous Augustos e dous Césares que, chegado o momento, sucedían aos Augustos.

**Toga praetexta** : Toga branca, reberetada de púrpura. Chamábase pretexta en contraposición da habitual, toga viril. Os nenos romanos usábana ata os dezasete anos.

**Toga viril** : Toga, vestido dos cidadáns romanos. Os novos romanos vestíana dende os dezasete anos, idade na que abandonaban a **toga praetexta**.

**Triarii** : Soldados veteranos que estaban na terceira liña de combate.

**Tribūnus celērum** : Tribuno militar. Na Monarquía era o xefe da cabalaría.

**Tribūnus milītum** : Tribuno militar, oficial do exército romano. Na Monarquía exercía o mando da infantaría e era elixido entre os cidadáns con máis experiencia no combate. Posteriormente, podía recibir o mando dunha lexión, pois era un oficial de rango superior. En principio, había seis tribunos por lexión.

**Triclinium** : Cuarto destinado ao comedor nas vivendas romanas. Tamén se chama triclinio ao leito de mesa con capacidade para tres ou máis persoas en que os romanos se reclinaban para comer.

**Triunvirato** : Asociación de tres estadistas, normalmente políticos e militares, coa finalidade de acaparar o poder.

**Venatiōnes** : Cazarías de animais que se ofrecían como espectáculo no anfiteatro.

**Vestais** : Sacerdotisas de Vesta. Ao parecer, eran elixidas polo **pontifex maximus** cando eran nenas entre as familias patricias máis antigas de Roma. Encargábanse de manter acendido o lume sagrado de Vesta. Gozaban de numerosos privilexios, pero debían gardar castidade so pena de morte.



**Via** : *Camiño*, rúa das cidades romanas.

**Villa** : Tipo de vivenda romana das clases sociais máis podentes. É máis ampla e luxosa que a **domus**.

**Vogal de unión** : É o vogal que nos verbos se introduce entre o tema e o sufixo e tamén entre o sufixo e a desinencia persoal.

**Vogal temático** : Vogal que se une á raíz ou lexema

dunha palabra constituíndo o tema.

**Vsurpatio trinoctii** : Abandono do leito conxugal durante tres noites, o que rompía o **usus**, forma de matrimonio que se baseaba na cohabitación da parella.

**Vsus** : Variante do matrimonio **cum manu** para o que abundaba a cohabitación da parella durante un ano.